

溫州府志

敘

嗚呼今何時乎今何世乎昊天不吊海水羣飛人事茫茫予懷渺渺自好之士筮遯澗阿靡所遣適多託寤歌動墨月凄引吭風咽言情則萬花吹淚寫景則一葉驚秋運會所關文章以著故亂離之詩人如物應候出聲不能自己作者島瘦郊寒各具體格觀者元輕白俗未必公評東坡有牢九之誤信明止五字而傳觸景生情得心應手仁者見仁智者見智正不必求合於人也吾友王君惺園固秉撝謙辭禮閑雅弱年立譽芳聲斐然長益豪邁有志吏治視天下事無不可爲乃以世途迂曲直道難行拔脚風塵絕意仕進旣且沉心禪悅茹素懺綺繩床茶竈研磨精深註經之暇間及吟哦雖非專門名家而偶爾得句亦足驚人鉅眼自知無俟贅及余少嗜此道藉舒鬱伊嗣卽棄去遇有酬應動多頑澀眼底朱碧視之易迷手中綃素織而難成比來窮老鄙塞意氣頽然陸沉濁世不合時宜壯

闊海天疎慵情性不知許事且食蛤蜊雅屬序言固辭勿獲聊識數語  
燕畢而不能無愧矣

乙亥初夏玉梅花館主黃光

惺園詩鈔目錄

七律五十八首

喜晴

秋海棠

感時

贈谷公賓侯畢業回國

寄居悟心菴卽景興懷

遊墨城故人居有感

薔薇

甲寅夏會勘於潛警視線便道登西天目山

甲寅臘月赴京應試知事賦此述懷

丁巳秋由鄞縣公署返里與諸同事留別

菊花

夜雨漫興

丙午秋留東述懷

丁未冬告別留東諸同志

遊北山廟

甲寅春旅居杭垣萬壽菴卽景興懷

祭錢武肅王墓

和平園九月放紅梅原韻

和樂城董平洲自述原韻

陳君鯨量五十生辰寄贈二律

貧女

永嘉沈雲巢來訪出示近作卽次原韻以贈

黃牡丹 菊名

甲寅除夕

乙卯元旦

和林淑莊主人銀婚四首卽次原韻

寒夜望月

和章遜齋先生七十自壽原韻

和陳君仲越留別習藝所原韻

詠燕

壬戌元旦

癸亥元旦

乙丑元旦

祝陶簡齋先生六秩雙慶

和筠莊雜詠二首卽次原韻

祝王母莊太夫人八旬大慶 代友

乙卯春旅京感事

和海髯翁六十述懷卽次原韻

式崇上人重興花雨寺海髯以根字韻成律寄贈卽就原韻率成一律

七絕二百十四首

秋日遊半山菴

和品蓮上人遊山百疊原韻

秋日感懷

贈桐城志士張伯競

贈漢陽吳君寅齋

晚步

贈張君勁松返國

哭直隸潘志士投江

遊羅陽棲真寺卽留午飯

和梅生黃莊十景

送柯君怡齋赴杭

春愁

野花

夜夢亡室

詠菩提

慈勝寺納涼

山居雜興

聖蹟八詠

詠四美

月月紅

和項師雨農戲吊袁項城原韻

朝晴喜雪

贈太虛上人

柳塘垂釣

山城晚照

登九鳳山望松

題孤山夜鶴圖

題馬

送夏君楚湘調任陶山警佐

觀情天恨海新劇有感

和桐嶽先生荆山八詠原韻

詠三傑

秧針

柳絲

和徐子聲詠昭君卽次原韻

癸亥水災有感

和余韻初舟中卽景原韻

和王志澂乙丑元朝原韻

和余韻初春鳥四首卽次原韻

春思

志澂見示笑秋畫疊步元朝韻

甲子仲秋感時

戲吊郭松齡夫婦被張軍慘戮

哭滬上慘殺學生

乙丑春作武林游留別商校

和林君立夫四十述懷原韻

西湖雜詠

祝葉君芷圃六十壽慶

祝游翁志菴七秩大慶

念佛口占

和林君問清五十述懷原韻

丙寅五十自述

祝王母莊太夫人八秩大慶代友

題梅

甲戌立春感懷

七古六首

投筆行

登玲瓏山

姜母李太夫人七秩壽詞

王君惠齋六秩壽詞

贈沈生公儻

與友人約赴會不遂

五律二十一首

贈傅君若岩返國

閨中歎

題孤山放鶴圖

輓林君楚玉

壬戌閏五感傷國事

和海髯蟲詩十二章卽次原韻

五絕十首

留東久不見家書偶成一絕

題贈海鹽鄭寄塵先生墨竹

題伯樂相馬圖

題蘇武牧羊圖

題黃耳遞書圖

題濟顛伏虎圖

自歎

寒夜賞雪

五古四首

送夏甥孟質二次游留日本

名子訓

致陳君鯨量以詩代柬

愛犬歌

惺園詩鈔

七律五十八首

平陽 王式一

喜晴

惺園

曉起開門數落花鵲聲忽報隔牆家庭前滴斷空階雨窗外光臨橫海霞  
漫道昨宵風色急試看今夕月鈎斜彼蒼自有清明日寄語勞人莫怨嗟  
菊花

不放春光偏放秋繁華夢裏莫輕投西風留有傲霜骨老圃閒看點翠頭  
更得梅花成後約何妨罇酒且先酬重陽節近多遊客誰識陶家物色幽

秋海棠

軟紅嫩綠去悠悠庭院秋深我獨留不是冰姿偏耐冷那知粉態亦含愁  
胭脂有價憑誰買風雨無情沒自由却幸黃花開晚節年年且許伴清幽  
夜雨漫興

樓頭夜雨響丁東漏未沉沉興未窮斗酒固堪邀國士名山從不老英雄  
落花滿地朝來掃秋月籠雲色亦濛我是傷時憂世客不堪野澤聽哀鴻  
感時

畫棟喃喃燕語聲閒窗靜聽夢難成驚心烈火燃眉及瞥眼狂風潑浪鳴  
忍說江山無淨土空留軀魄坐愁城斜陽暗裏邊笳起何處將軍細柳營  
丙午秋留東述懷

遠客滄瀛思悄然風風雨雨異邦天中原何幸新修政壯志常懷猛着鞭  
拔地蒼松爭耐冷摩空黃鵠勇飛前及時莫把空閒度一寸光陰億萬錢  
寒來暑往兩無情又聽西風落葉聲露滴梧桐秋色冷蟲吟庭院客心驚  
中原霸氣吞崧嶽巴塞烽煙掃故京萬里迢迢空悵望一身獨自臥滄瀛  
贈谷公賓侯畢業回國

東郊芳草綠成茵客裏風光又一春留學他邦都爲國取材異地豈無人

甌江燈火熒熒鬧蓬島櫻花處處新莫道鬚眉莖欲白天將磨勵老精神  
丁未初冬告別留東諸同志

兩載交情訂賞音那堪臨別入秋深匹夫各有興亡責志士能無鐵石心  
說劍最難忘夜雨讀書首重惜春陰相期莫負初來意岌岌神州外侮侵  
寄居悟心菴卽景興懷

竹壓窮檐綠滿天此間曾否許留仙魁峯壁立凌霄漢雁岫屏橫帶曉煙  
黃犬不時驚客到蒼松獨自抱龍眠鄉賢遺有清風在排榻煮茶細問禪  
遊北山廟

石徑渾如鬼斧剗荒涼野寺做山嵌當年誰組金錢會今日空留龍虎崖  
古佛無靈塵漠漠懸巖欲墜勢巉巉何時拙得豐城劍盡把階前惡木芟  
遊墨城故人居有感

山居遠勝近城居曾記當年課讀餘故舊不堪悲宿草斜陽獨自照荒墟

臥龍有願終成恨飛燕無家孰主子猶幸奇材開廣廈儒魂俠魄鑄洪爐  
甲寅春旅居杭垣萬壽菴卽景興懷

囊書斗酒客杭垣無限春光到小園瘦鶴孤松清且老碧桃紅杏落無言  
魚鐘敲罷雲橫漢燕壘功成月滿軒寄語野僧休事擾賣花聲裏樂盤桓  
薔薇

時際清和四月天春光零落冷庭前淡紅也欲妝明媚嫩綠從茲點翠妍  
自笑玉容當戶獻偏留芒刺對人言狂蜂莫把香魂擾添得濃陰護酒筵  
祭錢武肅王墓

松林石徑舊家山爲弔錢王到此間日照殘碑文不滅風清太廟樹偏閒  
泉聲嗚咽宮牆繞草色芊綿墓野環何幸清明春祭裏登壇如見錦衣還  
甲寅夏予任臨安縣署科長會勘於潛警視線便道登西天目山

天目亭亭翠萬重東西兩幹駐飛龍禪源偏隔昭明院門口宏開畫錦宮

煙樹蒼茫橫碧漢雲山黯淡挺孤松前溪問有仙家路莫道遊人路不通  
層巒疊翠古梵宮疑是巫山十二峯南浦空懷春草綠西溪滿日落花紅  
鐘聲催晚僧留飯雨色連天我住蹤自笑風塵何僕僕談空也覺味來濃

甲寅臘月赴京應試知事賦此述懷

白撫飛光卅載餘滿腔抑鬱幾時攄空庭月白誰招隱矮屋風斜懶讀書  
有酒曾經呼醉也無魚且欲賦歸與吾家近市囂塵地何處南陽舊草廬  
淡如秋水貧中味芻狗浮雲轉眼過室有荆妻多病累家徒弱女奈愁何  
精神衣食消磨盡志趣風塵感慨多况值高堂雙白髮承歡聊復補蹉跎  
蠅聲擾耳不堪聞附勢趨炎倡合羣冷淡生涯無過問二三故舊少殷勤  
黃金最足邀人眼白璧云何點石紋却笑春花開亦落阿誰懷抱獨芳芬  
閒雲無意出深山幾度春風送到關天地生材原有用冰霜徹骨敢偷閒  
鵬飛志展三秋後鴻唱聲傳二月間莫道潮流衝力大掄才應爲濟時艱



丁巳秋由鄞縣公署返里與諸同事留別

西風連日到江城客裏思歸欲起程  
甬水同遊春已暮琴堂閒步雨初晴  
一池萍聚終成散萬壑溪流各自鳴  
惆悵半生多別恨落花啼鳥總關情  
鶯花二月客中天却喜春光到眼前  
借酒澆愁慙我慨爲人作嫁問誰憐  
前途留有清風在歧路還看皓月圓  
不意雲龍多變幻頓教彭澤欲歸田  
諸多政策費思量敢步羣公樂贊襄  
我本荒材無補世地當巖邑莫輕嘗  
宦途孰解冰清味客况愁添離恨腸  
芳草斜陽相對裏滿天風色不勝傷  
出山泉濁在山清爲語哥哥不得行  
時世梳妝難彷彿當場物色舊聲名  
碧空有鳥高飛倦暮野無雲夕照明  
此日與君暫小別再來滬上笑相迎  
和平園九月放紅梅原韻

別來一歲幾相思自恐冰容不適時  
故作紅顏拖粉態無須綠葉點桃枝  
先開那怕金風烈未落何愁玉笛吹  
漫說孤山非我伴詩人已爲賦新詩

和樂城董平洲自述原韻

鴻才久許我心傾分治先傳著大荆  
况復江村歌雨澤從教海宇樂波平  
清風兩袖襟懷豁明月一庭雅頌聲  
惟恨吾鄉非百里天將大器晚來成  
陳君鯨量五十壽辰寄贈二律

五十年華一夢中故交回首已成翁  
君才獨冠東西浙佛理誰參色相空  
儼似彌陀今再世居然菩薩以持躬  
衆生苦厄從何說眉壽先期屬乃公  
一年屢見會耆英湖上笙歌迭作聲  
漫道殘棋多變局安知武將不談兵  
江天鴻雁雙遵渚風雨重陽又滿城  
愧我荒材無補世爲君晉兕祝長生  
貧女

生自蓬門習苦勤人誰識我織迴紋  
梳妝不願隨時俗針黹常思學冠羣  
漫道村家無絕色須知富貴等浮雲  
春風何時偏焦急吹向紅羅壓倒裙  
永嘉沈雲巢來訪出示近作卽次原韻以贈

是真善賈喜深藏貌似春閨氣若狂斗酒襟懷傾北海布衣經濟重南陽  
筆鋒兼有黃徐勝詩陣恰當李杜長愧我無能虛度世不期鬢髮滿飛霜

黃牡丹 菊名

豔種驚聞海外傳一枝花發亦奇緣西施雖未扁舟載韓令云何國色捐  
客是多情應共賞人非薄命不須憐幽芳領得陶家味却笑春風鬥翠妍  
香肌弱質本秋宜醉倚西風懶畫眉不爲嬌容施粉態要將傲骨壓瓊姿  
孤芳自覺非傾國晚翠何曾比美姬生性原來甘淡泊別開花界館東籬  
烏啼日落漸黃昏庭院無人對酒罇戲蝶但知春色去歸鴻猶認故園存  
漫將宮樣妝成妬爲報秋光笑欲言我歎名花愁帶雨前身曾否玉梨魂  
颯颯秋風戰滿城夜闌怕聽落花聲靈砂可換相思骨金粉偏含寂寞情  
正是朱顏催欲老那知香夢喚初醒王孫何處哀芳草憑眺江樓月自明

甲寅除夕

聊將臘酒送寒年却喜春光到眼前今夕不來江上月吾家又在雪中天  
劍書依舊留磨鍊氣候爭傳欲變遷休羨田翁豐過歲明朝同是得春先

乙卯元旦

江山面面笑春風喜入襟懷舊不同驛路三千冀逸驥海天萬里看飛鴻  
年新鳥亦鳴新意候轉人將氣轉雄莫說書生經濟少古來報國在其中

和林菽莊先生銀婚四首卽步原韻

和靖家風品自高梅花清眷屬仙曹銀婚禮倡歐洲俗佳話聲傳鼓浪濤  
知是鵲橋秋又渡更將鴻案頌加褒畫屏此日燒紅燭一樣春光醉小桃  
漫說人間富貴仙白頭佳偶信堪傳金罇暢飲花須賞玉鏡長明月更圓  
眉畫初三留舊樣瑟吟五十奏他年高朋個個多坡老詩滿銀箋酒滿船  
故鄉春色滿天台去後劉郎未許來蓬島新聞開綺席玉人又教下瑤臺  
雙棲早縮同心結借老還歌合卺杯更看庭階蘭桂秀令人豔羨不須裁

煙霞嘯傲老吟身金石婚期訂後因宦海波濤今避險富家顏態莫驕人  
詠觴林下饒風趣鼓瑟宮中賞晚音回首雀屏年少中滄桑幾變豔妝新  
寒夜望月

披襟獨坐數更籌庭院無聲月自留冷落不堪處士宅情思多在美人樓  
清光也對知心照簾影何須掩面羞人道中秋明共賞豈知霜夜景偏幽  
和章遜齋先生七秩自壽原韻

先生杖履近如何會倡耆英福自多介酒喜逢桃月酌頌章深愧菲才疏  
但看玉樹羣爭秀始信喬松不改柯晚景最難閒且健從教吟詠廣搜羅  
和陳仲越留別習藝所原韻

驪歌唱罷臘梅中一別誰勞八載功祇爲貧民樹德業莫教歸客作田翁  
生材原不虛斯世講學居然有古風爲祝滿園桃李植英豪輩出視兒童  
詠燕

烏衣巷口客多情一別經年又笑迎對語莫嫌春寂寞雙飛快趁氣晴明  
舊巢雖破堪留宿大廈將傾勿作聲聽到鶯啼花已過呢喃秋後計歸程  
壬戌元旦

爲戀江山歲幾過豪情俠氣半消磨高堂差幸慈躬健時局何圖變態多  
瓶插梅花香滿座風來春水綠生波江南無限戎機伏恨不雞鳴起枕戈  
癸亥元旦

昨宵風雨暗連天忽放晴光隔了年氣色空中都改變蕭條村裏盡華妍  
程功此日方千里獻歲今春祝萬全對鏡雖看霜滿鬢雄心報國猶依然  
乙丑元旦

春入梅花又一年江南江北雨中天乾坤正氣何時復草澤英雄那個賢  
希望東山今再出誰知禍水復依然太平盛治虛成夢何處雞鳴擾我眠  
祝陶簡齋先生六秩雙慶

中原滿目起烽煙何處深山樂養年聞道梅溪居隱者宛如蓬島駐神仙  
門垂五柳名陶宅粟有千鍾半義田最好鹿車欣共挽優游林下淡雲天  
十月先開嶺上梅弧辰剛值喜春回高朋仁虎工吟句有子元龍試俊才  
况看齊眉偕白首更宜拜手頌南臺江山却幸今無恙爲晉華筵酒一杯  
和筠莊雜詠二首卽次原韻

少年爽氣澈秋高豈願蝸居屋似舫小試功名如拾芥大材力量足撐篙  
那知歲月催鬚鬢不作轆轤等水棹涵養性天身且健心無識海起波濤  
浮華身世客中過太息人生一刹那事業環求新建設精神曷肯亂消磨  
聯吟結社渾忘老知命樂天不逐波愧我無文非賞契聊修淨業補蹉跎

祝王母莊太夫人八旬大慶

代友

賢母聲稱溢浙東不才久已仰徽風熊丸荻畫名垂久燕翼鳳毛力喜豐  
萱閣筵今開八豔槐庭蔭預兆三公愧當獻壽無仙果遙祝南山一望中

乙卯暮春旅京感事

都門柳色入看無不料春風載客過客有文通花夢筆人何南郭濫吹竽  
政潮孰識衝流急宦海難回大勢趨愧我燕居功尙淺也曾附驥効前驅  
式崇上人重興花雨寺海髯以根字韻成律寄贈卽就元韻率成一

律

西塘帶水自成村訪古常懷華棗園精舍重開花雨寺禪僧夙有鉢羅根  
蒼皇歧路吾何適清淨法門佛至尊爲念西歸歸未得溪山依舊約留痕  
和王君志澄六十述懷卽次原韻

國亂問誰起遠征山河破碎盡難成春風何處園林秀大地曾經劫火爭  
安見狂瀾能砥柱豈無良策濟羣生滄江猶有虬髯逸一出興邦慶治平  
少年聲價重文章幾度槐黃未得攘到底功名眞國器安知衣食戀家鄉  
經營海島功垂遠修纂圖書迹免亡不願折腰歸隱里溫貧煖老有資糧

海市樓臺氣象新烏衣門第最超倫庭多競秀佳子弟座有觀光上客賓  
况復齊眉輝晚景又看繞膝戲翁親君家世胄來源遠爲住南山不老身  
世事無緣等水鷗江天風月樂閒休於今海國傳佳話恰際華筵陳美羞  
孔李通家經兩世萊台拜手祝千秋樛材却少君年一願附長松到白頭

和林君立夫四十述懷卽步原韻

村莊獻曝渾無事讀罷吟箋句亦奇且看畫圖悲失色方將筆陣寄雄思  
匈奴未滅邊城患漢族中興危局支莫歎英年遭國難相期同志力匡持  
年方強仕多豪氣不怕前途荆棘叢還我河山當筆下笑他傀儡在場中  
危機反見功成大小挫無須道怨窮且待南都春轉色馬蹄萬里布仁風

七絕二百十四首

秋日遊半山庵

振衣攜杖半山遊十步雲梯五步樓滿眼嵐光清且翠始知春景不如秋

遊蹤曲曲過溪灣聽到泉聲洞壑間心境豁如登覺路頓教塵慮一時刪

和品蓮上人遊山百疊原韻

高僧攜杖愛遊山萬壑深林遍往還今日仙壇留一鉢他年法雨灑人間  
未得相見舊廬山匹馬征塵何日還却喜新詩供我讀如聆清磬豁胸間  
貝葉吟風響滿山相驚塵劫早知還人羣何事競爭烈萬象終歸泡影間  
一輪明月照禪山喜見幽人月下還更聽高吟成百疊此身宛住白雲間

秋日感懷

連朝風雨滿江城聽到梧桐落葉聲不是愁人無感慨悲秋宋玉善知情  
年來困苦又顛連一度春光一度年鬢髮今看莖欲白雄心未盡路三千  
閒雲未雨住深山愛日堂前一笑顏且有黃花留我賞薄寒亦覺意清閒  
秋雲如水薄如羅一寸黃金百尺波得志眼中無舊友個中冷暖奈如何  
哀鴻滿目哭無家凄冷何堪落日斜嗟我青衫江上客聲聲靜聽怨琵琶

十年種樹費栽培不得棟樑有用材蒲柳質多柔且脆何時何地見琦瑰  
爭城掠地氣驕橫太息中原禍水生逐鹿須知終有死時當肅殺豈無更  
無數銅山羅掘窮門堪張雀打秋風點金縱有仙人術難免驕兒到手空  
歸鴻遠盼海南飛何事征途又設機畢竟天心未悔禍燎原漫說燭星微  
此日登樓思悄然難圖噤口作寒蟬仲宣也是牢騷客聊表襟懷寫寸箋  
贈桐城志士張伯競

意氣年來憤不平暢談亦足寫心情漢家自有男兒在何患胡塵滿帝城  
儒生戎馬策秋風恢復神州計未窮讀史須知尊正統此心耿耿尙精忠  
贈漢陽吳君寅齋

冒雪飄風海外遊問誰豪客濟同舟那知天假奇緣裏一夕相逢肝膽投  
小樓夜雨話滄桑幾度呼僮掃落花蓬島迢迢雖作客越南楚北兩同家  
晚步

獨乘逸興穿幽境閒拂籐蘿過矮簷撲鼻清香何處至始知秋入桂花時  
贈張君勁松返國

君去皖南我浙東不堪別淚洒秋風最難作客瀛洲上共話江山夜雨中  
哭直隸潘志士投江

不忍鄰封喪主權秋風歸艇泊仁川誰知東海飄忠骨一樣傷心魯仲連  
國恥那堪割地酬遼陽烽火劫三秋可憐苦雨淒風夜俠魄英魂逐水流  
遊羅陽棲眞寺卽留午飯

與佛前生結靜緣振衣徒步到塘川羅陽爭道風光好豈料荒涼剩數椽  
爲愛遊山不憚勞停蹤恰值日輪高僧家供有充飢飯清味佳於美酒羔  
和梅生黃莊十景

東湖春曉

鶯梭柳線織春光一鑑湖開十畝塘况是曉風初日裏煙波蕩漾送歸航

仙壇晚鐘

夕陽斜照枕山城古刹寒鐘百八聲塵世昏昏將入夢蒲牢何事只長鳴  
雙溪連風

山樓一角映雙溪泉水聲聲澈翠微更有清風吹兩袖紅塵飛散嶺雲西  
楓林夕照

丹楓不怕歷寒冬老態偏妝年少容一抹斜陽相對裏山光面面似芙蓉  
葛嶺朝霞

曉起關門掃落花嶺頭如建赤城霞仙人化石今何去滿日雲深日影斜  
岩棲晴雪

昨夜紛紛雪滿天今朝岩岫色偏妍晴空萬里如張幕高臥雲峯作醉仙  
蛇峯吐月

蛇峯高插海天青夜月如珠半入櫺想是驪龍方穩睡有人領下摘明星

鳳岫棲雲

閒雲無意出深山伴月吟風鳳岫間莫問蒼生殷待澤碧空有鳥倦飛還  
山樓夜雨

夜來倚枕夢難成可有山樓聽雨聲泉壑風林音韻激每聞草木卽疑兵  
辛園早梅

幾回辛苦費栽培風雨無情漫了催我亦通仙門下客年年爲問故園開  
送柯君怡齋赴杭

君似亭亭鶴立身愛梅賞雪倍相親南枝來報春消息又作江干送別人  
不堪設餞送君行雲水悠悠故舊情前路西湖風月好客中誰與伴長征  
春愁

方罷迎春又送春劇憐雙燕出花陰桃花輕薄隨流水孰挽寒梅一瓣心  
東風何意轉狂風吹散名花隔岸紅底事祇今留蝶戀陌頭遠望走青驄

良會原來歎不常春光轉眼卽秋光滄桑世味何人曉雨絮風花暗自傷  
寄愁何處醉中仙除却桃源不是天此去風光生別感教儂情淚落燈前  
野花

自由開放靜中天不與羣芳鬥翠妍春滿園林花自麗獨留蜂蝶伴閒年  
夜夢亡室

玉容一與舊時同不意相逢在夢中塵世姻緣都是幻豈真環佩月魂通  
詠菩提

佛家本不落塵寰一落塵寰願不凡醒世覺民爲己任豈真寂寞冷空山  
慈勝寺納涼

炎威酷暑最驚人何處清涼好避塵尋到山中慈勝寺逍遙自覺樂天真  
山居雜興 每首嵌用一藥名

司馬青衫淚濕襟孤蓬細雨夜沉沉愁人自有千秋恨怕聽琵琶續斷音

漫說蓬山路不通花開荳蔻醉春風江南連夜淒淒雨一度愁懷一落紅  
寂寂柴門長翠苔陶潛何日賦歸來只今遠志難療疾底事秋鴻去不回  
芒鞋穩步隔溪東太息春光轉眼空惟聽白頭翁對語年年花發碧桃紅  
故人一別幾相思門外車前草不知獨坐黃昏天欲雪梅花清與伴吟詩  
太古民風厚樸存數家茅舍自成村人心險詐今何似明月山間孰返魂  
浮雲自覺等身閒漫把階前草木刪芍藥滿庭偏不舍此花開過卽春還  
翠微深處少人家飛鳥歸林落日斜難得神仙成眷屬隔籬偷看女貞花  
聖蹟八詠

禱祀尼山

孔門未可後無人虔禱尼山若有神靈秀胎元嵩嶽降麟書吐瑞證前身  
戲陳俎豆

兒童心性喜嬉遊至聖少年便不儔俎豆雜陳雖戲事馨香廟廡兆千秋



委吏乘田

大材小試意何爲，仕爲家貧也有時。  
漫道一官卑且賤，最難稱職動人思。  
魯國大治

家絃戶誦政聲隆，海內人歌鄒魯風。  
不待三年功已著，豈關司寇位尊崇。  
夾谷會齊

邦交難得此雄才，片語竟能却退萊。  
返我汝陽爭國恥，漫言魯弱不須猜。  
周遊列國

一車兩馬列邦遊，那得君侯王道修。  
僕僕風塵悲作客，何時返駕問尼邱。  
刪經授徒

名山風雨百年心，筆削權衡孰敢侵。  
更集羣賢開講席，談經論道賞知音。  
獲麟絕筆

一經秉筆爲尊周，褒貶從嚴亂賊憂。  
歎息窮途麟獲見，布衣修撰足千秋。

詠四美

昭君

如此傾城絕色姿，琵琶聲裏息邊師。  
祇今荒塚留青草，長與詩人作吊思。  
西施

千金身價喜相逢，難得君王一見傾。  
滅了夫差讎已復，歸舟快趁五湖風。  
貴妃

廣寒宮裏樂同遊，一醉千杯月到秋。  
豈料漁陽鼙鼓動，君王恩寵盡東流。  
貂蟬

空庭拜月訴相思，計設連環妙更奇。  
漫道王家年少婢，苦心報國有誰知。  
月月紅

富貴花開閨苑中，羣芳爭豔逞豪雄。  
春光容易如流水，不及四時月月紅。  
和項師雨農戲弔袁項城十首卽步原韻

欺民畢竟欲欺天罪惡臨頭死更憐漫說帝王無福命試看洪憲改元年  
幾輩清流付濁流東林黨禍幾時休天開洪運民權復地下應教掩面羞  
者番春雨綠成陰花信緣何落雁沉終是城狐社鼠輩假名惠澤感人深  
當年兵計出無窮不信衰頹誤乃公四面楚歌聽入耳縱云神策亦難通  
去年今日逞秦風會集籌安諸子雄不識共和民主國敢偷神器便忘公  
宮庭月冷哭春花何復歡開綠萼華記得香車當泣別秋思不識落誰家  
笑他籌備假稱臣買得頭銜十萬緡不料龍袍方繡就未披先死可憐春  
算來運限丙年差縱有龍顏何足誇此去漫悲儂命薄尙留燕子可還家  
諸多公子最心傷沒後能無一任良家屬但求兵保護是真零落不成行  
紫禁城外亂軍聲逼近王宮夢不成一死方堪謝天下越南楚北各休兵

朝晴喜雪

殘夢醒時雪影中捲簾不覺日初紅江天滿樹銀花放點綴春光造化工

贈太虛上人

塵世昏昏入夢時乾坤清氣賴誰持寒山留有荒涼月照見愁人眠更遲  
扁舟一葉甬江頭萬種愁腸死未休讀罷新詩三百首滿天清露氣橫秋

柳塘垂釣

波光百尺蕩輕風無數游魚樂個中快把絲綸尋釣趣居然身似老漁翁

山城晚照

斜陽影裏望山城一角飛來到眼明更帶殘霞紅幾縷不堪落日故人情

登九凰山望松

凰岫松高氣萬千滿山環抱翠連天更宜雨後樓頭看鬱鬱葱葱入暮煙

題孤山放鶴圖

孤山風景本清高筆底傳神氣更豪仙鶴不嫌雲路遠年年此處任游翺  
一飛自問可冲天何事山中伴隱仙只爲濁流非我偶假將高處破寒煙

題馬

邊城無事意消閒息足郊原芳草間直到戰爭方用我不辭汗血奏功還  
送夏君楚湘調任瑞安陶山警佐

職司分治世稱賢不愛功名不愛錢載得清風歸兩袖官中那有此神仙  
每同遊賞賦新詩三載何堪一日離祇爲宦途春似夢河梁夜月起相思  
飛雲江上水茫茫聽到風濤勢更狂但願此行撐得力一舟穩渡慶安康  
陶山境轄屬章安地接橫陽隔遠巒君子當無忘舊友他時重見樂盤桓  
觀情天恨海新劇有感

公子名姝眷戀時此情此意兩心知無端劫匪來衝散潦倒窮途忍凍飢  
荒村旅館景淒清脈脈無言無限情絢袴原來不足貴一朝隔別背前盟  
世路崎嶇險漫言那堪誤入不還魂可憐閨閣多情者苦教庭前語帶溫  
一段姻緣莫再旋欲尋前路已無緣女媧雖鍊西山石難補情人缺恨天

和桐嶽先生荆山八詠原韻

花雨靈泉

難得清涼一井泉深藏不出住山巔祇今花雨巖鍾秀自有英靈到處傳  
石室棲真

於今道學歎沉淪誰識旌陽羽化身想是神仙舊有約天開一室好棲真  
竹屏列翠

煙臺斜曛

竹林面面翠青青宛似仙家一畫屏更聽風聲清入耳此中景色若西冷  
濃雲深鎖古烟臺祇爲晴光夕照開禾黍不勝今昔感獨留片石落塵埃  
佛面垂雲

面帶祥光氣自芬觀音品貌迥超羣幾同玉女高峯立頭戴青穹一朵雲  
魁峯戴月

荆山巉峭著魁峯何幸新秋月下逢不識巒光當曉際加冠非復舊時容  
七星拱照

羅列奇峯有七星舉頭望似聚仙青最難拱北端居位山色天光共一庭  
山外清源

溪流寂寂舊家山春色難留昔日顏絃誦不聞聲已徹白蓮開到意偏閒  
張良

此身未許與韓休苦志椎秦在報仇佐漢豈真貪祿位試看功退赤松遊  
韓信

辱堪袴下不無羞只爲從龍願未酬豈料功成汗馬日淮陰江上斷臺頭  
蕭何

志存戡亂出依劉戰定河山餉善籌鎮國撫民才亦傑祇今相國樹千秋  
秧針

布穀聲中錦滿舖問誰可有巧工夫村農竟似織纖手繡到天然一幅圖

柳絲

無限春光一縷中補天幔地有奇工東君不解儂情緒空舞長堤十里風  
和徐子聲詠昭君三首卽步原韻

許多傾國爲丰姿我豈丰姿學畫眉却歎中原多寇患故將下嫁免邊師  
離情別恨訴蒼天欲抱琵琶孰解絃仰望漢宮秋夜月香魂歸去問何年  
心在漢庭恨在胡千金不計此微軀拚將一死留荒塚草出青青志表殊  
癸亥水災有感

風聲怒吼雨聲嘶禍水滔滔靡已時嗟我小民何厄運連年遭劫力難持  
薪如貴桂米如珠渴望豐年免欠租何事彼蒼偏震怒地成澤國野荒蕪  
和韻初舟中卽景原韻

春遊最喜雨初晴山色湖光照眼明却喜舟中詩思好微寒不覺着衣輕

獅山景色說清幽此去樂何共一舟爾我原來交最久回頭記得舊遊否

和志澂乙丑元朝原韻

彭澤歸來學種瓜朋儕無復舊年華而今也得香山樂吟到新詩成一家  
漫言鬚髮漸成翁春到江南氣度融倘念蒼生能再出好教霖雨浙西東  
甘涼美味羨秋瓜解渴何須水石華却怪洛陽花易落清聞安比卻侯家  
虬鬚宛似紫髯翁閒對兒曹笑語融愧我半生猶僕僕登樓賦就隔牆東  
和韻初春鳥四首卽步原韻

燕

飛來飛去快如梭擬向良家擇地窠倘遇主人心意好不辭勞瘁感恩多

鶯

誰家巧語弄聲聲不識翻疑如奏笙我是宮中歌管客逢人只怕假言情

布穀

幾曾勸告重農桑草履黃冠不厭忙聽到呼晴又喚雨令人敢不下春秧

子規

思親原是根天性啼向枝頭斷復連漫道遊人春色好倚閭望眼幾曾穿

春思四首

陌頭柳色走青驄花信曾傳廿四風記得江南今又雨緣何未放一枝紅  
風和日暖試輕衣佇看庭前燕子飛芳草前途依舊綠可能認得故園扉  
花香鳥語景清新春入鄰家異樣親惟有深閨長寂寂說情孰是意中人  
春寒最苦病相思夢到池塘草不知蛙鼓聲聲聽入耳爲公是否抑爲私  
志澂見示笑秋畫疊步元朝韻

荳棚花下值秋瓜隔歲何能點翠華想是狸奴防守力故教詩畫合成家  
認得紅顏似醉翁一枝花放雪初蝸白頭也解春風意欲訴芳心面向東  
甲子仲秋感時

江天日日起愁雲哀雁聲聲呼失羣不解深閨嬌貴女猶裝粉態着羅裙  
桐葉紛飛風滿城蕭條客裏不勝驚劇憐蟋蟀悲秋感衰草荒郊徹夜鳴  
吳山越水景清明何忍寒煙蔽滿城到底秋風多殺氣幾疑草木亦皆兵  
浙潮聲壯勢奔騰萬馬千軍力可能更際中秋明月夜滔滔白浪湧層層  
楚歌四面最驚人豈料雄風出海濱此去前途爭得力湖山景色更清新  
難得東風一借籌破曹公瑾不須憂從茲淮漢江流急又恐遼陽烽火秋  
大鵬高舉遠南飛六七年來不得歸今日乘風重振翮扶搖直上渡淮淝  
乾坤正氣喪無存整舊翻新細討論果有健兒好身手無難一戰定中原

戲弔郭松齡夫婦被張軍慘戮

倒戈相向意何爲背義忘恩豈不知雖說鬚兒非健將入關應自再三思  
反奉聲聲耀大旗儼如爲國不爲私將軍爭地爭城戰那個勤王起義師  
自知戰力莫堪持乞援鄰人善說辭也是賤奴驕媚性人間那得好男兒

沒法僑裝野外馳鴛鴦何復戀雙棲劇憐一夕同遭慘兒女英雄千古離

哭滬上慘殺學生

滬上歸來二十天澄心靜慮學參禪無端一夜狂風起吹落奇英動地憐  
少年心性本天真重義輕生豈顧身况際同胞遭慘虐自甘忍辱不爲伸  
睡獅未醒喚聲聲不作寒蟬噤口鳴詎料冤成三字獄萬家痛哭罪無名  
昂藏七尺具雄心誓不中原外侮侵拚此頭顱爭國恥英魂終古鬱森森  
郵電交傳不忍聞滬濱面面滿愁雲可憐死者誰家子爲賦招魂弔夕曛  
馬不前兮鼓不喧問誰力可雪沉冤祇今惟有邦交絕一紙官文何足論  
倚門望斷遠遊蹤魂夢歸來月下逢若問死身何處在春申江上樹重重  
爲因報國方求學學未成材竟死傷能執干戈排魯難汪錡童也可無殤  
一死方知萬事休男兒不惜命空留果然偉烈驚天地弱歲勝於百歲秋  
差幸國人心未死怒潮充溢滬江頭強權終自歸消滅曷抵健兒熱血流

乙丑春作武林游留別商校

蘇堤柳色綠依依幾見行人入翠微我亦多年遊賞意片帆高掛逐雲飛  
門栽桃李感春風愧我庸庸効馬融不識英才何以育想除爲國不爲功  
家居長愛護春陰未了高堂遠望心此去倘爲知己用登龍聲價倍千金  
相見時難別亦難遲遲不覺已更闌高情豈爲拘形迹話到前程意自寬

西湖雜詠

孤山弔古

處士風高汗竹青樓空鶴去有精靈王侯宅第今何在不及孤山一角亭

斷橋晚眺

斷橋冷雪景清明何忽平添車馬聲却怪廬山非舊面騎驢有客不知名

平湖望月

十里湖光面面平臨秋更覺月分明祇今煙霧紛紛起半壁江山渾不清

柳浪聽鶯

百轉清音動客聽可憐衰柳色無青憑他簫鼓宮中鬧冷落西風一畫屏

溪港觀魚

溪塘夾岸柳陰陰上有黃鸝鳴好音更望川流清徹底游魚無數樂淵深

三潭印月

一派波光瞥眼迎無端矗立勢如爭三分鼎足空成局潭自清幽月自明

雙峯插雲

凌雲儼似列羣仙不信人間別有天寄語奇峯休作勢平空也可起高巔

雷峯遺址

雷峯久已石苔侵留有遺名冠古今漫道斜陽佳景少一磚價值重千金

南屏晚鐘

塵世昏昏入夢時南屏送晚有誰知貪迷原是凡夫性安得菩提一轉癡

遊極樂園

衆生苦厄問誰憐難得西方極樂天卽此已堪離惡濁不妨游泳戲新蓮  
祝葉君志圃六十大慶

恢諧派似滑稽流善解勞人萬斛愁到得老來身益健不知多福幾生修  
有子從軍六七年今朝戲綵舞庭前封功食祿毋須說滿載清風更值錢  
一心最愛掌中珠撐得門庭一女儒佳婿祇今雖去國巍巍東嶽畫輿圖  
一幅吟箋遠寄來周家溪上壽筵開文章有價長門客枯瘦何當大雅裁  
祝游翁志菴先生七秩大慶依轆轤體

人生七十古來稀剛喜蓬門戲綵衣何幸壽星今又見兩家合爲報春暉  
特闢園林養化機人生七十古來稀趨時無補天真樂那識鄰翁早見機  
鳳毛燕翼名東浙頭角崢嶸一時傑人生七十古來稀祝嘏承歡心更悅  
綿綿壽字結珠璣賀客盈門逸興飛都爲乃翁吟一句人生七十古來稀

念佛口占

念念彌陀口不離此身願有往生期世途惡濁何須戀曷勝蓮花七寶池  
干戈擾攘幾時休去一王兮來一侯要識殺機今遍伏快將淨業細參求  
和林君問清五十述懷原韻

先生風度似嚴光憤世傷時退隱狂詩酒半生常作伴個中清味實含霜  
文場逐鹿憶丁年談到功名我亦憐祇有讀書深養氣滿庭風月樂陶然  
富貴原如樹上花時開時落野人家高風孰比寒梅客退隱孤山水一涯  
十載芸窗勤讀書廣收草木考蟲魚那知文化潮流異國學堂堂反不如  
莽莽乾坤一草廬丈夫到處可爲居豐湖壁水遙相望莫別東西說你渠  
貧富原來各一天我無寸土爾多田最難甲子逢初度同享中華十五年  
試看旭日已東昇氣象光華萬里騰漫道豚兒非遠器一經熟讀亦賢能  
庭前更喜有文孫氣宇軒昂是國藩想亦君家多積德栽培那不茁靈根



人生難得自知非端賴良朋匡救違今日瑤章承厚贈朗吟一字一珠璣  
百歲期頤恰半時稱觴願晉菊花卮更當亭畔荷開日定有清風遠送詩

丙寅五十自述

年華如水向東流報國空懷漢武侯祇爲書生才氣短至今壯志未曾酬  
愧無勛業慰雙親况值今朝七秩辰菽水何妨行我素敢因負米怨勞辛  
紫荊花放鯉庭前却歎爲兄我未賢爲政友于門內事笑他箕豆苦相煎  
家貧難得是良妻敢說端莊舉案齊相治但求勤且儉養親餘暇撫孩提  
爲兒爲女意無他培植成材在琢磨光大門閭深後望讀書遠勝積金多  
佇看燕子學高飛毛羽逢春已漸肥室有懷人深盼望歸途認得故園扉  
親朋半是耐飢寒力薄無如救濟難安有義田千萬畝分施烏亦喚聲歡  
西山日落哭無劉烏鳥私情未報酬寸草不忘寒食節年年撰杖拜荒邱  
記曾臥病十多年息息相依別更憐不料西風催落葉一聲孤雁海雲天

最愛梅花瘦且清一枝聊贈更多情無端入夜狂風起吹落塵泥夢不成  
自由花放滿園中佳婿難求袒腹東記得笙簫鳴引鳳夢熊曾做外家翁  
友道競趨桃李時不堪冷落少人知黃花的是陶家物賞識何曾別後思  
門栽桃李醉春風爭奈花開不映紅豈是英才今未出棟家幹國竟無功  
憲政莫如自治先那堪議席門金錢回頭鼎革當初候曾列參曹重法天  
百里也曾稱佐治徒勞案牘一無功些微鶴俸療飢渴自笑依人作嫁工  
盜風煙禁最難清三載功夫未告成退避方期賢者代家山何似舊秋聲  
於今法治重民權太息人心善變遷紅日當頭眠未醒偏勞唇舌廣宣傳  
賈生才調本超然策上治安三兩篇到底無緣遭見棄逍遙自覺樂歸田  
蒼生久旱渴甘霖那得循良秉牧心官拜親民應惠澤無如才拙不勝任  
都門楊柳色清新策馬揚鞭意可人瞥眼塵沙飛滿地那來明月照前身  
扶桑日出光芒射吸取歸來曾幾何貌似神非深可恥問誰豪氣壯山河

蓮池會上集羣賢彷彿香山白樂天說法強登宣講席轉迷啓悟勇爲先  
百來矢志念彌陀心自慈悲性自和倘得往生清淨土化身入世度娑婆  
知非寡過正當時學未精深力不辭差幸天年今假我讀書有味老逾滋

賀王母莊太夫人八秩大慶

代友作

文翁有母年八十鶴髮披垂蒼且白三槐堂前燦華筵庚午臘月卅一日  
羣仙合奏霓裳曲母壽無疆稱極樂且看子封萬戶侯受福孔多願益足  
蔣張何劉大冠客徵壽名言書丹冊闡揚母德意無他語語節貞垂竹帛  
新詩四章雖草草諸公莫笑腸枯稿佇看王母會蟠桃花開益壽終不老

題梅

一枝獨立得春先不與羣葩鬥翠妍具有冰姿兼玉骨何妨冷落傍崖巔  
甲戌立春感懷

過了新春又一年大江南北苦交煎何時得見彌陀面建設人間極樂天

七古六首

投筆行

杜預有左癖披吟朝復夕忽然投筆作長呼四顧茫茫難自適孤燈射壁  
夜氣寒新月籠雲海天碧我身何爲至於斯蠢蠢徒抱軀七尺滄海倒狂  
瀾儒林割講席鴻雁滿江湖駑馬戀亭驛不能破浪萬里乘長風天生我  
材夫何益况乎獨善學豈儒天下興亡匹夫與有責奈何林泉苦終身不  
開不落如松柏未攜韓愈送窮文難上賈誼治安策絳帳談經追馬融樽  
酒相邀效李白縱云寂寞是聖賢一腔熱血填胸膈君不見神州蒼生四  
百兆十年恐將沉吳沼羊亡安得我補牢中心耿耿精誠表又不見人生  
天地如蜉蝣轉瞬韶光湍水流旋乾轉坤誰與共擊劍長歌天地秋

與友人約赴會值風雨大作不克如願悵甚作此以遣懷

大風吹海海欲裂捲起長波白如雪忽將水氣變浮雲飛落大地成雨屑

風伯兩師爾何人是何神勇雄且健使我廬舍俱毀壞使我花枝盡挫折  
大陸從茲將沉淪人蹤從茲將斷絕任爾猖狂恣淫威積怒蓄怨有時洩  
寄語風伯與雨師勿謂書生無寸鐵聊將隻手挽乾坤放射日光熾炎熱  
掃蕩雲霧見青天巒煙毒瘴一時滅從此宇宙復光明天下蒼生皆大悅

登玲瓏山

鬱鬱蝸居兩三月四顧天地沒雲窟忽聞西南玲瓏山兩峯屹峙名吳越  
約友四人去登遊踏破雲梯千斗牛振衣直上千仞崗只聽風濤聲琅琅  
老僧荷鋤嶺外回脫帽相逢笑相陪問聲客人何處來口音相對操溫台  
尋幽訪勝今到此玲瓏山寺暫住趾爲問坡公當年事一似香山老居士  
香山豪放詩酒仙坡公遨遊樂管絃醉來眠石更清醒每逢佳趣輒參禪  
九折岩壁認題詞蒼鱗兩字筆有姿三休亭上去納涼但看彌陀會女娘  
一爲琴操一蘇妹一爲佛印坐中央最可憐兮琴操慕蔓草萋萋對斜陽

風流雲散魂何去花落春殘鳥亦傷又可憐兮蘇公像風雨飄零入夢鄉  
昔日詩歌嘯詠地而今青林黑塞場名士美人兩別離千古情恨並天長  
海峯江月高入雲聽到飛泉十萬軍龍潭急雨如風駛竹樹參天飄不羣  
又有牛眠一片石高臥嶺頭雲生席喘月不問東與西耕雲不知朝與夕  
人生當作如是觀老死空山何足惜嗟乎坡公吐鳳才胸次廣博天所開  
我今高山詠仰止吊古興懷不勝哀學仙學佛今未成遊得名山心亦清  
晚來更覺精神倦不脫輕衣臥月明

姜母李太夫人七旬壽詞

岷陽之東有姜母淑德昭彰莫堪偶相夫聞有孟光風教子著有和丸手  
勤儉持家不憚勞荆釵裙布親井臼排難解紛諭以理處世待人寬而厚  
不落庸庸脂粉氣義高如雲才如斗况復天性本慈祥濟世婆心碑衆口  
美意自可致延年仁者終能享高壽閭里於以播聲歌福祿宜其孔多受

至今堂開七秩筵筓篋迭奏綵結綬衆賓欣欣樂稱觴我亦附從諸君後  
錦堂一見歲華新眉壽可期以黃耆更看蘭桂門芬芳戲舞萊衣世稀有  
觥觥令子匡濟才立言正大垂不朽惟今時局日橫流不肯炫才自取咎  
養晦東郊植農桑一似蟠溪老釣叟賢母生必有賢子范逵一言誠非苟  
蘭秀慣依松長青玉韞必經石之久從茲鶴算慶絲延爲晉一卮菊花酒

王君惠齋六旬晉一大慶壽詞

鰲海之東水泱泱民俗囂浮且悍強智者鈎心而鬥角愚者魚肉不勝傷  
安得故家喬木風居仁行義化及鄉曰昔有太原王氏其園石留十八香  
四葉同堂聲望隆德澤涵濡後克昌而祖而父而孫曾闔邑人靡不稱揚  
溯自清世道咸同主人筠公名列庠羣從子弟才俊秀簪纓累弈族之光  
若書若畫皆著名且蓄道德能文章迨乎惠齋今之世其人恂恂亦雅量  
雖列市廛精持籌不同肥私圖利商茲屆六旬晉一壽親友咸樂爲稱觴

謙抑起辭心未許知舊更徵文表彰哲嗣伯琳領高情大開筵飲並樂張  
余亦忝居諸君後振衣拜祝登華堂非敢鳴文以應徵意惟通家知其詳  
但願槐庭植厚基家風嚮善俗轉良况復繼起有賢郎斯乃壽世慶無疆

贈沈生公儻

君從我游三四載我識君性大變改昔日沉重今豪雄一若季良厚自待  
愛俠好義逞高談氣宇軒昂亦光采不學節儉謙與恭不甘樸素好華彩  
果能自斯充其量大如江湖深如海樂人之樂憂人之憂賢者所爲其茲在  
幸勿効爲輕薄流貽譏君子致後悔第一養氣多讀書好言人過痛自罪  
於今世亂亟需材男兒豈可甘懈怠精神奮發如鷹揚毋爲場中一塊壘  
嗟余窮老力無能望汝從生春始蕾莫負昂藏七尺身爲民造福作賢宰

五律二十一首

贈傅君若巖返國

相識無多日臨秋話別時江湖何限感草木最相思夜雨巴山夢飛雲浙  
海馳送君當客裏後會莫嫌遲

閨中歎

奴奴深可恥空賴一男人不識平權理故多委屈身木蘭中國傑蘇蕙女  
兒珍所望慈悲者爲言解放因

題孤山放鶴圖

畫得孤山景依然處士家亭中雙鶴放嶺外古梅斜冲漢天何近尋幽路  
已父先生歸去也悵望賦蒹葭  
雲鶴本仙胎無端筆底來天留和靖蹟畫擬董源才振翼扶風上盤空戴  
月回西湖佳景好賞玩醉瑤臺  
看飛飛不去說放放仍虛咫尺雲深處寒山日暮如梅開花落壁雪壓夜  
空廬欲覓古人迹屏峯一卷舒

歸隱愛名山山形下筆難圖空留幻影壁立似仙寰寂寞人何在參差草  
不刪居然幽靜境猶憶武陵間

輓林君楚玉

和靖家風古天高駕鶴遊湖山重有約庭院寂空留投筆男兒志談經處  
士流儒林如可傳化蛻復何憂  
滄海橫流日誰懷遯世思君今歸若夢我竟獨傷時萬里悲兵劫一棺與  
世辭招魂來楚客欲哭不成詩

壬戌閏五感傷國事

公道去難挽乾坤殺氣成十年多怨歲萬騎盡驕兵霖雨蒼生望清風北  
海鳴問天如可語願爲訴民情

海鬣出示蟲詩十二章讀之深悉其有感而作卽就原題原韻率爾成  
章非敢云和亦同聲相應不平則鳴之意也

蜘蛛

記得早春初安排一草廬添絲求細密結網恐空疎豈料狂風起竟成棘  
地居祇今秋瑟瑟落葉滿庭除

燈蛾

爾亦營營輩何愁踏脚忙挑燈方靜坐見火輒生狂得意三更夢當頭一  
棒傷可憐蠢蠢似到死爲爭光

蟬

綠樹濃陰裏深藏認不周何當秋露冷又作噪音清冠飾朝方羨琴彈客  
有情那知枯蛻日畢竟爲誰鳴

蜜蜂

儼似國中王派成不附黃花開分隊採蜜釀一身香可恨朝多雨竟教夜  
斷糧退衙官罷課深悔爲春忙

蛺蝶

日暖園林麗輕盈衣著羅偷香驕且媚傅粉舞還歌所惜韶光老偏生惹  
恨多回看花百採春色客中過

螢

籬落秋深夜無端暗若明星星非照耀點點竟飛行到底腐中化安關室  
內爭彼蒼方欲夢任爾勢縱橫

蒼蠅

薨薨聲滿地疑似擊金鑿老態腥羶逐新愁腐敗觀普天飛討檄衆口絕  
交盤爲製甜羹餌使他脫險難

蚊

詎有光明輩羣當日暮趨如雷難起蟄見血總關膚嘴銳深同刺身亡認  
似糊秋風來肅殺聲不入南都

蝨蟻

始伏無生患醫誰勞扁倉豈知冰積漸頓使歲成荒內變時時起毛頭寸寸長一朝心腹痛排去勿留腸

蟻

終歲勞勞苦爲謀一樂窠原期居避雨不料潰成河營洛羣方聚去邠歸者多制鯨如有術重整舊庭柯

米蟲

素餐深可恥况值是丁年志士豈求飽微生何乞憐拚將偷玉粒曷敢辨紅蓮那識貪歸滅徒勞二月天

蟋蟀

霜冷清秋候關中默似瘖無端天又雨忽起織成音唧唧床前近聲聲壁下吟愁人聽欲泣更動歲寒心

五絕十首

留東久不見家書偶吟一絕

江水三千里家書不到時秋風驚客感夜夜起相思

題贈海鹽鄭寄塵先生墨竹

友道日非古競趨桃李時誰知高節者耿耿是吾師  
未得凌雲志先存友石心試看他日裏滿地綠成陰  
何處堪長嘯臨風寄所思此君眞灑落爲賦子猷詩

題伯樂相馬

代友作

世豈無良馬最難伯樂知一朝欣得遇聲價重當時

題蘇武牧羊

不失漢臣節自甘窮餓身牧羊當海上千載一偉人

題黃耳遞書

犬豕無人性遞書報主翁何如背義者不及畜生聰

題濟顛伏虎

如此大威勢人稱欲界王漫言難降伏一念轉回光

自歎

素有澄清志苦無知己人一衿依舊我吠畝老終身

寒夜賞雪

滿地花飛白挑燈夜五更不嫌寒寂寞活火雨茶烹

五古四首

送夏甥孟質二次游學日本

少年志氣盛壯游千萬里鼓輪浙海東扶桑一直抵扶桑日文明吸取正  
無己惟求祖國材學足以器使智識勤灌輸藝術競精美屈指兩載功有  
進而無止今屆暑休期遙向江南指十日計歸程室人亦孔邇久別得相

逢晤言曷勝喜孰料又秋風容易作客裏催上遠征鞍肩去輕行李未免  
別有情問誰能遣此豈識好男兒所志在蓬矢不爲愛情戀聞雞夜舞起  
况當國多難此身豈伏雉鵬飛可冲天鯤游非澗沚待他學乃成報國稱  
壯士寄語美少年立志當如是堪歎我年老鬢霜馬增齒材不足應世學  
未優而仕徒執一教鞭卑卑深可恥不知年雖老雄心猶未死伏櫪時長  
鳴看劍怒目視苟有用我者一身報知己茲當君遠游爲草詩一紙聊以  
作贈言且可相砥礪還望此行後時時頌尺鯉勿令望眼穿迢迢隔秋水

名子訓

壬戌冬臘月得子名曰良問余何取義試與道其詳人初性本善習乃能  
變常習聖人自聖習狂人自狂陽明倡良知學說大而昌不容人欲亂但  
求天理彰果能斯道矣惡念何由張風俗日敦厚萬類慶慈詳慨乎今世  
人用心不自量私慾日充斥如入醉夢鄉倘不謀補救世道曷勝傷於以



名吾子指示一周行心不爲利誘學不爲名纏勉爲曾參人母入朝歌場  
良善存其性預卜壽命長賢良具其能可作國棟梁並告吾家人教之以  
義方讀書貴明理作事要精強莫謂門祚微側陋亦名揚予今詠斯篇筆  
花繞餘香

致陳鯨量以詩代東

湖上陳仲子道履近何似惠我有好音空山來鳥使不忘貧賤交高義固  
如此惟念君出都蒞浙切桑梓當道一聞風歡迎例倒屣位尊顧問官職  
清而名美苟欲有所爲何難標青史吳山越水間景色挺秀峙况諸文武  
曹英俊皆後起景行詠行之高山歌仰止乃抱出世觀冠冕泥塗視口念  
阿彌陀身依釋迦氏救世具婆心宏道立宗旨詎知庸俗人信口交詆毀  
概若置罔聞海涵誰與比畢竟道德高論情不論理但弟有一言欲吐自  
今始倒峽瀉胸懷全憑一尺鯉我性本崛強出言直如矢無奈人莫容蜷

伏等野雉歎世無知音空爲老居士幸君眼垂青賤名掛芳齒拔我於汚  
泥濯我以清水欣賞蓮池花明月照窗几從茲專淨修往生亦可恃學不  
爲名纏境不爲貧仕嗟乎鯨量君相知貴知己如肯惠教言聞道夕可死  
弟今詩代書陳情卽在是倘邀湖上遊會晤亦孔邇先此布區區順頌日  
增祉甲子六二日式一拜手啓

愛犬歌

余家有一犬來自他家中閱今十餘載認我作主翁身材雖矮小毛羽甚  
肥豐其色黑間白其音嘹兼洪若論其功能勤敏且秉忠客從遠方來報  
到無異僮賊遇心膽寒猙獠力猛攻偵鼠代貓捕狡獪術乃窮奮怒驅鷹  
鷂林木響清風美哉茲小畜愛宜獅子同與他犬比較奔走媚態工性質  
超然異凜凜威逞雄養犬防門戶羊亡將牢補世人無恕心不憐其勞苦  
但責其守禦蠢蠢無足數豈識能保家可如山有虎藜藿枝青青採莫敢

刀斧我爲他犬冤曷敢我犬侮堪歎富家人徒知貪酒脯終宵錦衾眠不覺盜物虜任憑犬獨勞夜夜守尺土况當風怒號無計可悅主人逸而犬勞公道終非古一朝聲不平羣將攻鳴鼓余識個中情愛犬叱不聲每朝呼以食每夕寢以棚朝朝夕夕間親愛覺至誠若逢出門去追隨伴我行倘自異鄉歸接見歡相迎斗室坐談經低首聽分明深夜靜敲門酣夢起不驚百呼能百應僕婢當兩名嗟嗟物有性如何人反盟始若膠漆投終且干戈爭情愛不必言是非何足評相逢覲面間宛似陌路征慨人不如獸風詭雲譎橫或謂羣生性亦能盡天職汗馬建奇勳山羊知跪食報主義犬功節烈猛虎力豈知人反性一似偏且塞余犬勝於常可稱獸中特鎮日坐門庭慶遭意自得不隨狗黨噓不作狐奴色厥身有多能不惟防盜賊我愛犬功勤犬感我厚德豈同彼喪心爲鬼復爲蜮背義而叛恩剖心肝見黑人但知犬吠不識狐術惑爲作長言歌不惜一楮墨

和息樓居士詠西郊永壽堂觀斗樓落成原韻

不學達摩靜參禪專念彌陀求生蓮茲乃無上深妙法質諸淨修孰不然廬山傳燈晉賈事蓮宗風開自此始一段因緣却爲何了生脫生稱佛子憶自丁丑我生辰蹉陀將近六十春讀書修業成無用懺除業障力自新世味那比道味好改易門戶另爐造孜孜研精十餘年何當潮流勢傾倒吁嗟世道日凌夷邪說橫興並淫詞凡屬憂時眞君子挽救人心曷敢辭詎今國運正占否賢者退居山林老干戈擾亂靡已時滿地瘡痍盡蔓草何幸清風江上來特開戊社樂徘徊居然香山重雅集熙熙攜杖登春臺十人共社月一請宴飲聯詠且自省縱遇有事大如天拚此一醉休亦幸淡如秋水論交情一觴一詠定課程雖似晉人清談尙也是桑榆晚景成惟值工師求大木欲造廣廈千間屋那得棟樑奇異材以之建國功成速而且殘局危難支莽莽乾坤未定之倘得東山今再出何難霖雨蒼生施

乃世惡濁不堪日行將幽藏伴松竹放懷明月照虛空得閒康健便稱福  
更築城西觀斗樓聚沙成塔翁爲頭時際十月旣望日落成興復下詩鈎  
設席園蔬並兕卣量大且飲以大斗但願此樂年年如相期白髮同聚首  
計自結社七經年我曾未學詩酒顛草此俚詞聊作和也當春夜醉瓊筵  
人生百歲無多日到此方知十去七夕陽佳景已無多快數念珠放下筆

温河天(天)水